

中國方志叢書・華北地方・第三一一號

陝西 省

宜川縣志

(一)

成文出版社有限公司印行

中國方志叢書·華北地方·第三一一號

據

清·吳炳纂修
清·乾隆十八年刊本
影印

陝西 省

宜川縣志
(一)

成文出版社有限公司印行

序

宜川古之丹州也黃河在東
孟門在南魚鼓縣之舊壤列
秦中之要區自昔宋明之際
頻困於兵幾無寧歲今值太
平全盛

聖化翔洽湛恩汪濊浹於河海岳

峙之間蓋簡令安民勸勞稼
穡興起教化政以次第舉宜
之父老子弟沐膏誨勤久矣
涵煦於百年之深矣願誌以
徵信宜邑闕如省德郡誌舉

要則不必詳野史稗官私記
則未盡者彼夫山川林麓於
何據而考焉城野田廬於何
叅而稽焉不寧惟是宜雖僻
左而數百義之因革損益及
其土俗人情農桑學校諸大

事皆為治忽得失所攸關而
使採風問俗者扞古跡於荒
煙仿今情於蔓艸文殘獻缺
茫無可徵抑亦司牧之憾也
且夫邑之有德也豈僅誇勝
地耀名區足供文人學士之

憑眺嘯歌乎哉說者謂宜固
翟境而衣冠人物於茲漸盛
不知古大禹敷土隨刊實義
壺口壺口屹然在宜川境中
是德意廣被自三代之初以
迄於今其來綦遠故民朴俗

儉頗有唐魏之風司牧者因
其民俗而化導整齊之非異
人任而要非繩包苴去瘼敝
革俗陋恤民艱實心勤政則
惟鞅掌爲書紛紛案牘已耳
其又何暇網羅舊聞諮訪聖

老博採軼事援据羣書考古
證今隨筆登載殫历年之討
蒐備八政之體要煥然成編
以垂之不朽茲誌也綱八目
四十六計卷十綱乃序目有
編宜川形勢利弊靡不具脩

披覽是編而
知築壩衛城脩
祠重祭禁陋
敦倫諸務外而
於衣食禮樂忠
孝節義之最
切者尤欲士民
勤力敦篤以
暢其生而成其
材庶幾乎朴
者物愛心減
秀良之資且循

習乎德行道藝之美民俗士
風蒸蒸進而益上以為邑乘
光是則宰斯土者不為一朝
夕之計而為數十百年之計
吳令其勉焉弗倦隨地弗鰥
厥職余亦藉此以樂觀其有



成也昔范文正公出任睦州
嘗謂民之豪者如席示之以
法弱者如鼠示之以仁蓋得
古君子寬猛相濟之意今宜
民素朴茂原無事於束縛馳
驟使不得逞而其習之美者

必進之以禮力之惰者必鼓
之以勸此必教以律已寬以
字人者乃可以旋至而立效
焉吁居於宜者食毛踐土當
思何以不媿為良民官於宜
者析爵俸圭當思何以不媿

聖天子

為循吏惟尊君親上化民成
俗履和樂臻上理以仰答
子仁育義正不遺小邑之心
則茲誌固其所資藉以為望
言起行之券者欽請以告諸
司民社者

乾隆十有八年癸酉冬十月
關中甸宣使者桐城張
若震撰



皇澤

之漸摩積厚潤今九里於西

蓋聞雲岩截嶭丕著醑風銀
水冲融聿徵佳氣欽

河稽邑乘之揚於為昭光挹
三台於東井維前有佐克後
乃彰然剝漣魯魚難辨紅陽

姓氏亦因仍求承幾清玉尺
畱書艸沒雕欄孰是憑欄之
客花飛鈿笛誰為撒笛之人
今正鄉刺史吳君江右鴻儒
關中上考琴暇丹陽之日志
在龍門鵠移京兆以來書成